

**MINISTARSTVO UNUTRAŠNJIH POSLOVA KANTONA SARAJEVO – UPRAVA
POLICIJE, La Benevolencija br. 16, kojeg zastupa policijski komesar generalni
inspektor policije Nusret Selimović, (u daljem tekstu: Ugovaratelj osiguranja)**

I

**ADRIATIC osiguranje d.d. Sarajevo, Trg međunarodnog prijateljstva 20, ID broj:
4200213140004 kojeg zastupa direktorica Marina Miočić-Hamidović, (u daljem tekstu:
Osiguravatelj)**

**UGOVOR O SUKCESIVNOJ NABAVCI USLUGA KOLEKTIVNOG OSIGURANJA
ZAPOSLENIKA UPRAVE POLICIJE
MINISTARSTVA UNUTRAŠNJIH POSLOVA KANTONA SARAJEVO**

Član 1.

Predmet ovog ugovora je pružanje usluga kolektivnog osiguranja zaposlenika Uprave policije Ministarstva unutrašnjih poslova Kantona Sarajevo, za slučaj smrti usljed bolesti, smrti usljed nezgode i trajne invalidnosti, a u skladu sa tenderskom dokumentacijom, ponudom Osiguravatelja broj 89/21 od 14.06.2021. godine i odredbama Okvirnog sporazuma broj 02-11-4-2694-7/21 od 21.07.2021. godine

Ponuda Osiguravatelja broj 89/21 od 14.06.2021. godine čini sastavni dio ovog ugovora.

Član 2.

Ukupna vrijednost ugovora iznosi 97.005,60, KM (devesetsedamhiljadapet i 60/100) KM.

Ugovorena premija osiguranja iznosi 4,99 (četiri i 99/100) KM mjesečno za jednog zaposlenika Ugovaratelja osiguranja.

Ugovorne strane saglasne su da za osigurane sume navedene u tabeli ispod, iznos mjesečne premije osiguranja za 1.620 zaposlenika iznosi 8.083,80 (osamhiljadaosamdesettri i 80/100) KM.

R. br.	Osigurani slučaj	Osigurane sume po zaposleniku u KM
1.	Smrt usljed bolesti	10.000 KM
2.	Smrt od nezgode	55.000 KM
3.	Trajni Invaliditet	80.000 KM

Ukupno ugovorena premija osiguranja na godišnjem nivou za 1.620 zaposlenika Ugovaratelja osiguranja, u vrijeme zaključenja ovog ugovora, iznosi: 97.005,60, KM (devesetsedamhiljadapet i 60/100) KM bez PDV-a.

U skladu sa odredbama Zakona o PDV-u, usluge osiguranja su oslobođene plaćanja PDV-a.

Osiguravatelj se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog ugovora pružati usluge kolektivnog osiguranja zaposlenika Ugovaratelja osiguranja.

Član 3.

Osiguravatelj se obavezuje da će u roku od deset (10) dana od dana obostrano potpisanog pojedinačnog ugovora dostaviti bankarsku garanciju za uredno izvršenje ugovora u obliku bezuslovne bankarske garancije u iznosu od 5 % od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko Osiguravatelj ne dostavi garanciju za uredno izvršenje ugovora u predviđenom roku ugovor se neće smatrati zaključenim.

Član 4.

Ugovorne strane su saglasne o sljedećem:

- Kolektivnim osiguranjem zaposlenika obuhvaćene su sve osobe zaposlene kod Ugovaratelja osiguranja (policijski službenici, državni službenici i namještenici) bez obzira na njihovo zdravstveno stanje, opću radnu sposobnost i godine starosti;

- Osiguranje od nezgode - nesretnog slučaja – je osiguranje koje pokriva štetu nastalu usljed nezgode. Nezgodom ili nesretnim slučajem smatra se svaki iznenadni, nepredvidivi i od volje osiguranika nezavisan događaj koji, djelujući uglavnom izvana i naglo na tijelo osiguranika, ima za posljedicu njegovu smrt, potpuni ili djelomični invaliditet, prolaznu nesposobnost za rad i narušavanje zdravlja koje zahtijeva pomoć doktora – liječnika.

- Rizici koji se ugovaraju i osigurane sume koje se traže prema usluzi kolektivnog osiguranja zaposlenika Uprave policije su:

1.	Smrt usljed bolesti	10.000 KM
2.	Smrt od nezgode	55.000 KM
3.	Trajni Invaliditet	80.000 KM

- Trajni invaliditet - nesretni slučaj – smatra se svaki iznenadni i od volje osiguranika nezavisan događaj koji, djelujući uglavnom izvana i naglo na tijelo osiguranika, ima za posljedicu njegovu potpunu ili djelomičnu invalidnost, prolaznu nesposobnost za rad ili narušavanje zdravlja, koje zahtijeva liječničku pomoć.

- Osiguranje se pruža pod jednakim uslovima za svakog zaposlenika.

- Tokom trajanja ugovora može doći do promjene broja zaposlenih po raznim osnovama (prijem u radni odnos, prestanak radnog odnosa).

Sve promjene broja i imena osiguranika će biti prijavljene osiguravajućoj kući u roku od 10 dana od dana nastanka promjene po bilo kom osnovu - osiguranje pokriva period od dana nastanka promjene, a ne od dana dostavljanja obavijesti.

- Osiguranje obuhvata nezgodu na poslu i van posla, punih 24 sata dnevno i 7 dana sedmično bez teritorijalnog ograničenja, što znači da osiguravatelj nosi rizik u bilo koje vrijeme i na bilo kojem mjestu.

- U slučaju da se desi osigurani slučaj osiguravatelj isplaćuje punu osiguranu sumu za smrt usljed bolesti (ako zaposlenik umre prirodnom smrću) i za smrt usljed nezgode (ako smrt zaposlenika nastupi kao posljedica nesretnog slučaja). U slučaju da se desi osigurani slučaj tjelesne povrede (trajni invaliditet), isplaćuje se u procentu koji odgovara procentu djelomičnog invaliditeta i vrsti povrede u odnosu na punu osiguranu sumu za trajni invaliditet (tjelesnu povredu) usljed nezgode.

- Premija osiguranja je ponuđena cijena po zaposleniku mjesečno.

- Od prvog dana trajanja osiguranja Osiguravatelj je obavezan da isplati cijelu ugovorenu osiguranu sumu ako zaposlenik umre prirodnom smrću ili kada kao posljedica nesretnog slučaja – nezgode nastupi smrt zaposlenika.

- Od prvog dana trajanja osiguranja Osiguravatelj je obavezan da isplati iznos koji odgovara procentu djelomičnog invaliditeta, obračunatog u odnosu na punu osiguranu sumu za trajni invaliditet i tjelesne povrede usljed nezgode zaposlenika.

- Sastavni dio ovog ugovora su:

1. Opći uslovi za osiguranje (zaposlenih) od posljedica nesretnog slučaja (nezgode) za koje je nadležna agencija za nadzor osiguranja dala saglasnost;
2. Dopunske uslove za kombinirano kolektivno osiguranje zaposlenih od posljedica nesretnog slučaja za koje je nadležna agencija za nadzor osiguranja dala saglasnost;
3. Tablica za određivanje postotka trajnog invaliditeta kao posljedice nesretnog slučaja (trajnog umanjenja opće radne aktivnosti) za koje je nadležna agencija za nadzor osiguranja dala saglasnost.

Član 5.

Ugovaratelj osiguranja će Osiguravatelju za svaki konkretan mjesec dostavljati narudžbenicu u kojoj će navesti tačan broj zaposlenih koje je potrebno osigurati, na osnovu kojeg broja će Osiguravatelj vršiti fakturisanje.

Član 6.

Za osiguranje zaposlenika Ugovaratelja osiguranja od smrti usljed bolesti, smrti usljed nezgode i trajnog invaliditeta, Osiguravatelj će izdati Ugovaratelju osiguranja posebnu policu osiguranja, sa tačno preciziranim osiguranim sumama i premijom osiguranja po svakom zaposleniku, a u skladu sa ovim ugovorom.

Polica o osiguranju, iz prethodnog stava, takođe čini sastavni dio ovog ugovora.

Ugovaratelj osiguranja će ugovorenu cijenu plaćati mjesečno (u 12 ravnomjernih rata) Osiguravatelju u roku od 30 (trideset) dana od dana ispostavljenja uredne fakture, na tekući račun Osiguravatelja.

Član 7.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obavijestiti drugu stranu o nastanku nepredviđenih okolnosti odgovarajuće dokaze.

Član 8.

Rok isplate osigurane sume ne može biti duži od 15 (petnaest) dana od dana prijave osiguranog slučaja sa kompletnom dokumentacijom, u skladu sa Zakonom i uslovima za osiguranje lica.

Osiguranje važi od 00,00 sati dana koji je označen kao početak osiguranja, a prestaje u 24,00 sata dana koji je u polici naveden kao dan isteka osiguranja.

Isplate po osiguranom slučaju Osiguravatelj će isplatiti direktno osiguranom zaposleniku i o tome obavijestiti Ugovaratelja osiguranja.

Član 9.

U slučaju kašnjenja u pružanju usluga, do kojeg je došlo krivicom Osiguravatelja, isti će platiti ugovornu kaznu u skladu sa Zakonom o obligacionim odnosima u iznosu od 1% naručene usluge, za svaki dan kašnjenja, s tim da ukupan iznos ugovorene kazne ne može prijeći 10% od ukupno ugovorene vrijednosti koja je predmet narudžbe. Osiguravatelj je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovaratelja osiguranja.

Ugovaratelj osiguranja neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjski događaja na koje izabrani ponudač nije mogao uticati niti ih predvidjeti.

Član 10.

Osiguravatelj se obavezuje Ugovaratelju osiguranja slati mjesečne izvještaje o realizaciji, koji treba sadržavati podatke o: prijavljenom osiguranom slučaju, podatke o toku postupka, te isplaćenim osiguranim sumama.

Osiguravatelj će izvještaj iz stava 1. ovog člana slati kao prilog uz ispostavljenu fakturu iz člana 6. ovog ugovora.

Član 11.

Ugovor se zaključuje na period od godinu dana.

Ugovor se smatra zaključenim od dana obostranog potpisivanja ugovornih strana, u 2021. godini u 00.00 sati zaključno sa istim datumom 2022. godine u 24.00 sati, koji je kao takav naveden i u polici osiguranja.

Član 12.

Dobavljač nema pravo zapošljavati, u svrhu izvršenja ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija ugovornog organa za javne nabavke, najmanje 6 (šest) mjeseci po zaključenju ovoga ugovora, odnosno od početka realizacije ugovora.

Član 13.

Eventualno nastale sporove pri realizaciji ovog ugovora, ugovorne strane će rješavati sporazumno, a ukoliko to nije moguće, utvrđuje se nadležnost Suda u Sarajevu.

Član 14.

Na ostala prava i obaveze ugovornih strana, koja nisu regulisana ovim ugovorom primjenjivaće se odredbe Zakona o obligacionim odnosima.

Član 15.

Ugovor je sačinjen u 4 (četiri) istovjetna primjerka, od kojih Ugovarač osiguranja zadržava 2 (dva), a Osiguravatelj 2 (dva) primjerka.

OSIGURAVATELJ
ADRIATIC osiguranje d.d.
Sarajevo

Direktorica
Marina Miočić-Hamidović

Broj: 21593388
Datum: 22.07.2021. godine

UGOVARATELJ OSIGURANJA
MUP KANTONA SARAJEVO
UPRAVA POLICIJE

POLICIJSKI KOMESAR

Broj: 02-11-4-2694-8/21
Datum: 21.07.2021. godine